

**Razvojna banka Federacije
Bosne i Hercegovine
v.d. Predsjednik Uprave**

Broj: 7791-III/24
Sarajevo, 25.06.2024. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine i preporuke Komisije za nabavke iz Zapisnika o pregledu i ocjeni ponuda broj: 7601-XI/24 od 20.06.2024. godine, v.d. Predsjednik Uprave Razvojne banke Federacije BiH donosi

ODLUKU

o izboru najpovoljnijeg ponuđača u postupku javne nabavke novog storage sistema sa isporukom i ugradnjom za potrebe Razvojne banke Federacije BiH

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj: 7601-XI/24 od 20.06.2024. godine i ugovor za nabavku novog storage sistema sa isporukom i ugradnjom za potrebe Razvojne banke Federacije BiH dodjeljuje se ponuđaču „PING“ d.o.o. Sarajevo, Jukićeva 36, 71000 Sarajevo, kao najpovoljnijem ponuđaču u otvorenom postupku javne nabavke.

Član 2.

Ukupna ponuđena cijena robe iz člana 1. ove Odluke, iznosi 40.000,00 KM bez PDV-a, što u konačnici, s uračunatim PDV-om, iznosi 46.800,00 KM.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu Odluku na svojoj web stranici www.rfbih.ba, istovremeno s upućivanjem iste ponuđaču koji su sudjelovao u ovom postupku.

Član 5.

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj: 6432-III/24 od 27.05.2024. godine, pokrenut je postupak javne nabavke novog storage sistema sa isporukom i ugradnjom za potrebe Razvojne banke Federacije BiH. Javna nabavka je provedena putem otvorenog postupka, a kriterij za dodjelu ugovora je najniža cijena.

Procijenjena vrijednost nabavke iznosi 40.000,00 KM bez PDV-a.

Obavještenje o nabavci predmetnih usluga objavljeno je na portalu javnih nabavki dana 29.05.2024. godine pod brojem: 1011-1-1-119-3-41/24 (objava u „Službenom glasniku BiH“ broj 37/24 od 31.05.2024. godine).

Tenderska dokumentacija objavljena je zajedno sa navedenim obavještenjem na portalu javnih nabavki.

Odlukom v.d. Predsjednika Uprave Razvojne banke Federacije BiH, broj: 3306-III/24 od 15.03.2024. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke u okviru svojih nadležnosti i ovlaštenja provela je predmetni postupak javne nabavke, te saglasno članu 65. Zakona o javnim nabavkama, sačinila Zapisnik o pregledu i ocjeni ponuda u kojem je utvrđeno da je pravovremeno pristigla 1 (jedna) ponuda, kako slijedi:

Rb	Naziv i sjedište ponuđača	Datum i sat prijema ponude	Cijena ponude bez PDV-a (u KM)	Popust (u KM)	Ukupna cijena sa PDV-om (u KM)
1.	„PING“ d.o.o. Sarajevo, Jukićeva 36, 71000 Sarajevo	19.06.2024. godine u 10:45 h	40.000,00	0,00	46.800,00

Na osnovu izvršene analize i ocjene pristigle ponude, Komisija je utvrdila da je dostavljena ponuda prihvatljiva, dostavljeni su svi traženi dokazi propisani tenderskom dokumentacijom i na način propisan tenderskom dokumentacijom.

S obzirom da je tačkom 23. tenderske dokumentacije predviđeno zakazivanje e-aukcije, a da je primljena samo jedna prihvatljiva ponuda, u skladu sa članom 4. stav (2) Pravilnika o uslovima i načinu korištenja e-aukcije (Službeni glasnik BiH, broj 80/23), nije se mogla zakazati e-aukcija i postupak se okončava u skladu sa članom 69. Zakona o javnim nabavkama ("Službeni glasnik BiH", br. 39/14 i 59/22).

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz tenderske dokumentacije.

Obzirom da ponuda ponuđača „PING“ d.o.o. Sarajevo, Jukićeva 36, 71000 Sarajevo, u potpunosti odgovara traženim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove, odnosno zahtjeve ugovornog organa, odnosno da je njegova ponuda prihvatljiva za ugovornog organa, data je preporuka ugovornom organu da se u postupku nabavke roba: „Nabavka novog storage sistema sa isporukom i ugradnjom za potrebe Razvojne banke Federacije BiH“, izvrši dodjela ugovora navedenom ponuđaču, kao najpovoljnijem, a koji je ponudio najnižu prihvatljivu ponudu koja iznosi 40.000,00 KM bez PDV-a, odnosno ukupna vrijednost ugovora od 46.800,00 KM sa uračunatim PDV-om.

Imajući u vidu sve prethodno navedeno, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. Predsjednik Uprave

Borislav Trlin
[Handwritten signature]

Dostaviti:

- Učesniku u postupku